

周秉鈞 撰

尚書易解

華東師範大學出版社

圖書在版編目(CIP)數據

尚書易解/周秉鈞著. —上海: 華東師範大學出版社, 2010. 6

(歷代文史要籍注釋選刊)

ISBN 978-7-5617-7854-8

I. ①尚… II. ①周… III. ①中國-古代史-商周時代②尚書-注釋 IV. ①K221. 04

中國版本圖書館 CIP 數據核字(2010)第108444號

尚書易解

著 者 周秉鈞
策劃編輯 王 焰
特約編輯 黃曙輝
項目編輯 陳慶生
裝幀設計 勞 韜

出版發行 華東師範大學出版社
社 址 上海市中山北路3663號 郵編 200062
電話總機 021-62450163轉各部門 行政傳真 021-62572105
客服電話 021-62865537 (兼傳真)
門市(郵購)電話 021-62869887
門市地址 上海市中山北路3663號華東師範大學校內先鋒路口
網 址 www.ecnupress.com.cn

印 刷 者 杭州富陽永昌印刷有限公司
開 本 850×1168 32開
印 張 9.625
字 數 200千字
版 次 2010年6月第1版
印 次 2010年6月第1次
印 數 4000
書 號 ISBN 978-7-5617-7854-8/K·331
定 價 30.00元

出 版 人 朱傑人

(如發現本版圖書有印訂品質問題, 請寄回本社市場部調換或電話021-62865537聯繫)

楊遇夫先生序

一九四六年秋，周君秉鈞來任教於湖南大學，既相見，未幾，以所著《尚書札記》示余。余亟展讀，中多勝義，間有與余曩日所說《書》義不謀而合者，余甚多之，以是識君之善讀古書也。今年夏，君將以暑休歸里，來余齋告別，手《尚書易解》一冊見示，則君數年來日讀商周古文，取前所爲《札記》拓而大之，兼采前人或說，益以己意，薈萃而成者也。君以余嗜讀古文，與君有同好，請以一言弁君書首。余念近數十年吾湘人治《尚書》者尤夥，自善化皮先生、長沙湘潭兩王先生外，常德楊筠如撰《覈詁》，爲王靜安所稱，而亡友益陽曾星笠著《正讀》，於經文糾結難明之義，剖肌析理，能道其所以，勝義繽紛，獨爲卓絕。君既廣覽儒先之述作，復擷曾、楊之善說，其前此未及明者，便下己意，綜合爲此編，於是先儒所稱詰詘聲牙號爲不易讀者，得君爬梳而整比之，庶幾乎人人可讀矣。余既端誦君書一過，復妄有觸發，爲嚮所未及知者凡數事，因徇君弁言之請，並書之以質於君焉。一事：《盤庚》三篇，上篇告衆戚在位，中篇戒殷民，皆將遷而尚未遷之事也。中篇再云：「今予將試以女遷」，其爲未遷時之辭甚明。下篇首云：「盤庚既遷，莫厥攸居，

乃正厥位，綏爰有衆」，此則既遷以後之辭也。上篇首云「盤庚遷于殷」者，乃計謀決遷後之辭，非已遷之辭也。自「我王來」至「底綏四方」，皆殷民籲戚矢言之語，而前人皆誤以爲盤庚告民之辭者，以文有「天其永我命于茲新邑」之云，謂新邑必指將遷之殷言也。考古本《竹書紀年》云：「南庚更自庇遷于奄。陽甲即位，居奄。盤庚自奄遷于北蒙，曰殷。」文於南庚、盤庚之遷皆不記其年歲。今本《紀年》記南庚三年遷奄，六年陟，陽甲四年陟，盤庚即位，居奄，十四年，自奄遷于北蒙。按今本《紀年》出自後人綴輯，世多疑之。余以其記殷王太甲名至，甲骨屢見「冊至」之語，祖丁名新，甲骨有「且丁登新宗」之文，新與新同，又記陽甲名和，而和甲之名見於《山海經·大荒北經》郭璞注引《竹書》，與河亶甲名整、《呂氏春秋·音初篇》稱「整甲」者相同，以此證知其書雖屬後起，要爲有據。今據其所載南庚遷奄及盤庚遷殷之年計算，知殷此三王居奄之時日，不過二十一年，殷民稱之爲「新邑」，良非無故。新邑斥奄非斥殷，則「天其永我命於茲新邑」之語爲殷民之語，非盤庚之語明矣。中篇云：「予若籲懷茲新邑」，「予若籲」乃「若籲予」之倒文，「懷茲新邑」正謂殷民懷戀奄都也。必知此義而後知三篇之次序井然不紊，無可移易。俞樾謂中下二篇當爲上中二篇、上篇當爲下篇者，非也。一事：《康誥篇》曰：「殪戎殷，

誕受厥命越厥邦厥民，惟時敘，乃寡兄勛。」按《周語》云：「吾聞之《太誓》故曰：朕夢協朕卜，襲於休祥，戎商必克。」韋注云：「戎，兵也。以兵伐商，必克之也。」今謂「戎殷」即《太誓》之「戎商」。「殪」，當從《禮記·中庸篇》作「壹」，文謂周一伐殷，遂受其命與國土人民，天下皆天下承順者，此乃寡兄武王勛勉之所致也。《太誓》云「戎商」，此文云「戎殷」，《文侯之命》亦云「侵戎我國家純」，知古文恒用「戎」爲動字矣。三事：《召誥篇》曰：「嗚呼！皇天上帝改厥元子，茲大國殷之命。」按「茲」字無義，當讀爲「在」。《爾雅·釋詁》云：「在，終也。」下文云：「天既遐終大邦殷之命」，彼文云「終」，此文云「在」，其義一也。《說文》：「造，或作鎡，从茲聲，此「才」聲。」茲聲相通之證也。四事：《呂刑篇》曰：「兩造具備，師聽五辭。」舊說皆訓師爲士師。余謂師者，衆也，師聽謂與衆共聽之也。《說苑·至公篇》記孔子聽獄必師斷，是其證也。今人民政府有公審之制，正所謂「師聽」也。昔余既爲曾君序《正讀》，今復序君書，以諸說質之君，惜不得起曾君於地下，相與共論也。

一九五〇年八月二十七日長沙楊樹達書

自序

《尚書》二十八篇，號稱難讀。漢代以來，注者甚夥。正解確詁，散在篇籍。其有著成專書，如清代江聲、王鳴盛、孫星衍、王先謙之儔，博引旁徵，汪洋浩瀚。前賢用功雖勤，其難讀如故也。嘗思刪專著之繁冗，采先賢之勝義，輯成一書，俾難讀者易瞭，以導夫初學。一九四六年秋，任教於湖南大學。課餘溫尋，流覽成說。覈之以詁訓，衡之以語法，求之以史實，味之以文情。去粗取精，愜心貴當。猶有未明，則益以私說，著《尚書易解》五卷。月桂既斫，清光稍多。就教於楊先生遇夫，先生嘉之，許爲庶幾人人可讀。其後教學改革，欲新其知，學習未遑，此業遂棄，爾來三十有餘年矣。

近年天宇清明，羣心思奮。整理古籍，號令頻申。因取舊時所撰，標其段落，明其句讀，條理損益，公之世人。春芹之獻，在申踴躍響應之誠心，而於遇夫先生昔年教誨之隆，亦庶幾永念焉。

一九八二年九月二十五日周秉鈞書于岳麓山

凡例

一、本書只注今文二十八篇。阮刻《十三經注疏》本比較通行，本書篇次和文字謹依此本。惟其中文字有經前人考證確係後人增加者，則刪之；其中篇目有原爲一篇而經後人分割者，則合之。此等變易，皆于注解中說明其依據。注疏本將《書序》分列各篇之首，與古本不符，今盡刪去。

二、本書每篇之前均有簡短說明，解釋題旨和有關之歷史事實。

三、本書注解，採集前賢成說，實事求是，擇善而從。其有未明，則間出己意。

四、本書注解，力求明白易懂。講明訓詁，疏通文義而止，不作繁瑣考證。訓詁力求有據，除常義外，皆注明出處。解釋力求簡明，其或字義明而文義自明者，即不加串講。

五、解釋虛詞，多採《經傳釋詞》和《詞詮》之訓。臆必之說，概不敢從。

六、每篇依文義區分段落，或亦標明段中層次，庶乎綱舉目張，文義益顯。

七、本書採用標點符號，以明句讀。句讀既明，文義易曉。其用冒號而文義明白者，多不加引號。其餘符號，均循常規。

八、難字標明音切，以利讀者。拼音不便直排，故從省略。

九、本書舊稿，採用淺近之文言。改寫不遑，故仍其舊。

十、《孔傳》後出，訓詁多本前人。今採其訓詁，非論其真偽，故不冠「偽」字。

十一、本書舊稿，採用淺近之文言。改寫不遑，故仍其舊。

四、本書舊稿，採用淺近之文言。改寫不遑，故仍其舊。

五、本書舊稿，採用淺近之文言。改寫不遑，故仍其舊。

六、本書舊稿，採用淺近之文言。改寫不遑，故仍其舊。

七、本書舊稿，採用淺近之文言。改寫不遑，故仍其舊。

八、本書舊稿，採用淺近之文言。改寫不遑，故仍其舊。

九、本書舊稿，採用淺近之文言。改寫不遑，故仍其舊。

十、本書舊稿，採用淺近之文言。改寫不遑，故仍其舊。

十一、本書舊稿，採用淺近之文言。改寫不遑，故仍其舊。

十二、本書舊稿，採用淺近之文言。改寫不遑，故仍其舊。

十三、本書舊稿，採用淺近之文言。改寫不遑，故仍其舊。

十四、本書舊稿，採用淺近之文言。改寫不遑，故仍其舊。

十五、本書舊稿，採用淺近之文言。改寫不遑，故仍其舊。

目錄

楊遇夫先生序……………一

自序……………四

凡例……………五

尚書易解卷一

虞夏書……………一

堯典……………一

皋陶謨……………二七

禹貢……………四五

甘誓……………七七

尚書易解卷二

商書……………八一

湯誓……………八一

盤庚……………八四

盤庚上……………八五

目錄

盤庚中……………九五

盤庚下……………一〇二

高宗彤日……………一〇六

西伯戡黎……………一〇八

微子……………一二二

尚書易解卷三

周書上……………一一九

牧誓……………一一九

洪範……………一二三

金縢……………一三九

大誥……………一四六

康誥……………一五七

酒誥……………一七〇

梓材……………一八一

尚書易解卷四

周書中……………一八七

召誥……………一八七

洛誥……………一九八

多士……………二一二

無逸……………二二〇

君奭……………二二八

多方……………二三八

立政……………二四七

尚書易解卷五

周書下……………二五九

顧命……………二五九

呂刑……………二七四

文侯之命……………二八六

費誓……………二九〇

秦誓……………二九四

尚書易解卷一

虞夏書

堯典

堯與舜，相傳爲我國原始社會後期部落聯盟之兩位著名首領。堯屬陶唐氏，名放勳，史稱唐堯。舜屬有虞氏，名重華，史稱虞舜。典者，《說文》云：「五帝之書也。」典是書名，記敘堯舜事蹟之書，故謂之《堯典》。不標舜者，舉堯可包舜也。《禮記·大學》稱之爲《帝典》。本篇蓋後代史官所追記，成於何時，疑莫能明也。

本篇首言堯欽明文思之德，次言其治曆明時之政，次言其選拔官吏，次言其舉舜自代，次言舜能成堯之功，次言舜得賢之盛，而以其勤勞民事、巡行南方終焉。

孫星衍曰：「《堯典》一篇，梅賾所上《僞孔傳》分『慎徽五典』以下爲《舜典》。案百篇之《書》自有《舜典》，至後亡逸，不宜以《堯典》分篇也。據《孟子·萬章篇》引《堯典》曰『二十有八載，放勳乃徂落』云云，《論衡·書虛篇》云『《堯典》之篇，舜巡狩東至岱

宗，南至霍山」云云，皆在今《舜典》中，明古合爲《堯典》。《淮南·泰族訓》云「堯治天下七十載，四岳舉舜而薦之堯，堯乃妻以二女以觀其內，任以百官以觀其外」，明「慎徽五典」與今《堯典》「嬪于虞」文相連也。《書疏》云：「鄭王皆以《舜典》合於此篇。」今併之以復古。」

曰若稽古。

曰，《文選》李善注作「粵」。蔡沈曰：「曰若，發語辭。」稽，考也。曰若稽古，即稽考古事。焦循曰：「曰若稽古，乃史臣之言。於堯殂落後書其故事，故云「稽古」，乃自今述古之稱。若書當時之事，則不如此四字也。」

帝堯曰放勳，欽明文思安安。

馬融曰：「放勳，堯名。」欽，明、文、思、安安，堯之五德也。思，一作「塞」。安，一作「晏」。馬融曰：「威義表備謂之欽，照臨四方謂之明，經緯天地謂之文，道德純備謂之思。」鄭玄曰：「敬事節用謂之欽，照臨四方謂之明，經緯天地謂之文，慮事通敏謂之思。」《考靈耀》鄭玄注曰：「道德純備謂之塞，寬容覆載謂之晏。」

允恭克讓，光被四表，格于上下。

今按以下分述五德之實。允，信也。克，能也。鄭玄曰：「不懈于位曰恭，推賢尚善曰讓。」

「允恭克讓」句，釋「欽」。光被四表，鄭玄曰：「言堯德光耀及四海之外」，此句釋「明」。格于上下者，格，量度也，見《蒼頡篇》。上下，指天地。量度天地之事，此句釋「文」。

克明俊德，以親九族。九族既睦，平章百姓。

克，能也。俊，大也。九族，君主之至親。自高祖至玄孫凡九，皆同姓，鄭玄說也；父族四、母族三、妻族二，夏侯、歐陽等說也。睦，親也。平章者，一作「便章」，一作「辯章」，一作「辨章」。「平」與「便」「辯」「辨」古代通用，故平有辨義。鄭玄云：「辨，別也。章，明也。」百姓者，《周語》「百姓兆民」注：「百姓，百官也。官有世功，受氏姓也。」此四句釋「思」。言堯能自明大德，團結同族，族人既親，又辨明其他各族。

百姓昭明，協和萬邦，黎民於變時雍。

協，和也。黎，衆也。於，《釋詁》：「代也。」於變，猶言遞變。時，善也，見《廣雅·釋詁》。雍，和也。衆族昭明，又協調四方諸侯，衆民遞變至于和善。此言堯之德大，所化者廣也。釋「安安」之德。

第一段，言堯之大德。

乃命羲和，欽若昊天，曆象日月星辰，敬授人時。

羲，和，羲氏、和氏也，重黎之後，重黎出于顓頊及少昊，與堯同族，此指下文之羲仲、羲叔、和仲、和叔四人，《漢書·食貨志》云「堯命四子以敬授民時」，是也。欽若，敬順

也。昊天，昊然廣大之天。欽若昊天者，言敬重順從天之規律。曆，《釋詁》：「數也。」猶言推算。象，《楚辭》王注：「法也。」此謂取法。星，指中星。《書傳》云：「主春者張，昏中，可以種穀。主夏者火，昏中，可以種黍。主秋者虛，昏中，可以種麥。主冬者昴，昏中，可以收斂。」皆云上告天子，下賦臣人。天子南面而視四方星之中，知人緩急，故曰敬授人時。」辰，蓋謂北辰，《爾雅》：「北極謂之北辰。」《白虎通·聖人篇》：「堯曆象日月璇、璣、玉衡」，以璇、璣、玉衡當星辰，璇、璣即北極，玉衡即北斗，可證。昭公十七年《公羊傳》《疏》引孫炎曰：「北極，天之中，以正四時，謂之北辰。」人時，當作「民時」，《史記》《漢書》及《大傳》、鄭注並作「民」，唐避太宗諱改。

分命義仲，宅嵎夷，曰暘谷。

宅，居也。嵎夷，東表之地，今不可考。暘，一作「湯」，《淮南·天文訓》云：「日出于湯谷。」

寅賓出日，平秩東作。

寅，敬也。賓，導也。鄭玄曰：「寅賓出日，謂春分朝日。」平，辨也。古代「平」「辨」二字通用。秩，次序也。平秩，辨別測定之也。作，始也，見《廣雅·釋詁》。東作，指日東升時刻。此言其職爲敬導春分之出日，辨別測定日東升時刻。

日中，星鳥，以殷仲春。

日中，晝夜長短相等也。鳥，南方朱鳥七宿。殷，正也。以晝夜平均與朱鳥七星見于南方，調正仲春之節。

厥民析，鳥獸孳尾。

厥，其也。蔡沈《書經集傳》曰：「析，分散也。先時冬寒，民聚於隩，至是則以民之散處而驗其氣之溫也。孳尾者，乳化曰孳，交接曰尾。以物之生育而驗其氣之和也。」言其時人民分散在野，鳥獸生育。

申命羲叔，宅南交。

申，重也。宅，居也。南交，古交趾也。按《墨子·節用篇》、《韓非子·十過篇》並有「堯治天下，南撫交趾」之文。

平秩南訛，敬致。

訛，動也。南訛，指夏至時日道從北回歸線向南移動。本曾運乾說。《晉語》注：「致，歸也。」敬致，敬日之回歸也。此言其職爲辨別測定日道向南移動時刻，敬重日之回歸。

日永，星火，以正仲夏。

永，長也。星火者，仲夏之昏火星出現。此言以晝長與火星出現，調正仲夏之節。

厥民因，鳥獸希革。

江聲曰：「因，就也，就之言就高也。《月令》：『仲夏可以居高明。』」革，當讀爲韜，《說

文：「翽，翽也。」《玉篇》：「翽，羽也。」《詩·斯干》：「如鳥斯革」，《釋文》引《韓詩》作「翽」。希革者，翽羽毛也。鄭玄曰：「夏時鳥獸毛疏皮見。」言其時暑熱，人民就高而居，鳥獸羽毛稀疏。

分命和仲，宅西，曰昧谷。

李光地曰：「西者，九州之極西處，識其晷景，以定中國之日入時也。」昧谷，西方地名，今不可考。昧，一作「柳」，一作「蒙」。

寅餞納日，平秩西成。

寅，敬也。餞，送也。納，入也。納日，方入之日。鄭玄曰：「寅餞納日，謂秋分夕月。」今按：成，終也，見《皋陶謨》「簫韶九成」鄭注。西成，指日西沒時刻。此言其職爲敬送秋分之落日，辨別測定日西沒時刻。

宵中，星虛，以殷仲秋。

宵，夜也。宵中，晝夜相等。星虛者，秋分之昏虛星出現。殷，正也。以晝夜平均與虛星出現，調正仲秋節氣。

厥民夷，鳥獸毛毳。

夷，平也。毳，音選。《玉篇》：「毳，毛更生也。」言其時人民去高居平地，鳥獸更生新毛。申命和叔，宅朔方，曰幽都。